



ASOCIACIÓN
AS SAN LUCAS



COLECTIVO
MONDOÑEDO É...



CONCELLO DE
MONDOÑEDO

XUSTIFICACIÓN

PREMIO

MONDOÑEDO¹⁰
2018

Mellor obra de **TEATRO** en galego, publicada ou estreada entre os anos 2008 e 2017

A Asociación As San Lucas en colaboración co Colectivo Mondoñedo É ... e o Concello de Mondoñedo convocan a terceira edición do galardón denominado **Premio Mondoñedo10** co obxectivo de establecer vínculos permanentes entre a cidade e o concello que lles dá nome coas mellores obras de creación cultural producidas en Galicia e en galego nos últimos dez anos.

O prestixio decantado ao longo dos séculos por institucións e persoeiros de ascendencia ou residencia mindoniense, así como a recoñecida achega destes á cultura galega en xeral, xustifican a creación destes galardóns que se entregarán anualmente co fin de contribuír a salvagardar para a memoria do presente e do futuro da lingua e da cultura galegas aquelas obras que a xuízo do xurado merezan este recoñecemento.

Na primeira edición correspondente ao ano 2016 o xurado elixiu como mellor obra de **Narrativa** publicada en galego entre os anos 2006 e 2015 "*Os libros arden mal*" da autoría de **Manuel Rivas**, publicada por Edicións Xerais de Galicia, col. Narrativa, 2016.

Na segunda edición correspondente ao ano 2017 o xurado elixiu como mellor obra de **Poesía** publicada en galego entre os anos 2007 e 2016 "*Hordas de escritura*" da autoría de **Chus Pato**, publicada por Edicións Xerais de Galicia, 2008.

Establécense dez modalidades que se sucederán ano a ano, convocándose sucesivamente consonte ao seguinte calendario:

Modalidades:

Edición 2018: Mellor obra de **Teatro** en galego, estreada ou publicada entre os anos 2008 e 2017.

Edición 2019: Mellor obra de **Ensaio** ou **Historia** en galego, publicada entre os anos 2009 e 2018.

Edición 2020: Mellor obra de **Música** de autor/a galego/a estreada ou publicada entre os anos 2010 e 2019.

Edición 2021: Mellor obra **Plástica** de autor/a galego/a, executada ou publicada entre os anos 2011 e 2020.

Edición 2022: Mellor obra de **Artes Visuais** de autor/a galego/a, executada ou publicada entre os anos 2012 e 2021.

Edición 2023: Mellor obra de **Tradución** doutra lingua ao galego, publicada entre os anos 2013 e 2022.

Edición 2024: Mellor obra de **Xornalismo Cultural** en galego, publicada ou desenvolvida en calquera medio entre os anos 2014 e 2023.

Edición 2025: Mellor **Persoa**, **Proxecto**, **Colectivo** ou **Institución** do eido cultural galego entre os anos 2015 e 2024.

A entrega do premio correspondente a cada convocatoria realizarase en acto solemne coincidindo coas **Feiras e Festas das San Lucas** dese ano.

O premio, que se entregará ao/á autor/a da obra seleccionada, ou, en caso de falecemento ou outra causa, a un representante designado polos herdeiros ou titulares dos dereitos da obra premiada, consistirá na entrega dun diploma acreditativo e dunha obra artística orixinal e única de autor/a de prestixio recoñecido. No ano 2106 a obra artística orixinal e única foi realizada por Caxigueiro e en 2017, por Juan Puchades.



ASOCIACIÓN AS SAN LUCAS
COLECTIVO MONDOÑEDO É...
CONCELLO DE MONDOÑEDO

PREMIO

MONDOÑEDO¹⁰

BASES

1ª.-Na edición correspondente a este ano 2018, o **Premio Mondoñedo10** concederáse na modalidade de **TEATRO** á mellor obra escrita orixinalmente en galego e cuxa primeira edición fose publicada, editada ou representada en calquera soporte nos 10 anos anteriores ao desta convocatoria; ou sexa, entre 2008 e 2017, ambos inclusive.

2º.-Só serán obxecto da deliberación final os títulos que en prazo e forma decidan os membros do xurado e que só terán opción de propoñer en cada caso un **máximo de dúas obras**. Recómendase que as obras propostas podan ser facilitadas aos compoñentes do xurado nalgún tipo de soporte (vídeo, texto...) para ser valoradas no caso de que non se coñeceran con anterioridade e/ou para poder revisalas.

3º.-Terán a consideración de finalistas (relación que se fará pública nas xornadas previas ao fallo) aquelas obras que figuren nas propostas remitidas por escrito por cada membro do xurado ao presidente ou secretario do mesmo no prazo e forma que se estableza oportunamente.

4º.-Será proclamada gañadora a obra que despois das sucesivas roldas de votación, excluindo a cada volta a que obteña menos votos, aquela que reciba a maioría de votos.

5ª.- Nin o presidente do xurado nin o secretario poderán propoñer nin votar obras.

6º.-Calquera cuestión relacionada ou non prevista nestas bases será resolta polo presidente e polo secretario do xurado previa consulta aos membros do mesmo; a súa decisión será inapelable.

7ª.-O xurado reunirse en Mondoñedo o 14 de outubro de 2018 en hora e lugar a fixar pola organización. Unha vez producido o fallo, o seu presidente comunicarlle á persoa ou persoas premiadas a decisión así como a hora e lugar onde se realizará o acto público de entrega deste premio.

8º.- No caso de darse a circunstancia de que algunha persoa designada como membro do xurado resultase ser tamén autor/a dunha obra proposta como finalista deste premio, esa persoa pode escoller entre estas tres opcións:

a.-Comunicar por escrito ao presidente ou ao secretario do xurado a renuncia a que a obra da súa autoría forma parte das deliberacións finais.

b.-Comunicar por escrito ao presidente ou ao secretario do xurado que renuncia a formar parte do mesmo. Neste caso, rogaráselle á institución ou asociación que o designou o nomeamento doutra persoa.

c.-De non expresar ningunha destas renuncias por escrito, a obra quedará automaticamente excluída das deliberacións finais.

9ª.- Terán a consideración de membros do xurado para a edición correspondente ao ano 2018, ademais do presidente e do secretario, as persoas designadas polas institucións e colectivos seguintes:

Composición do xurado para a edición correspondente ao ano 2018, modalidade TEATRO.

Presidente: Antonio Reigosa, cronista oficial de Mondoñedo.

Vogal: Presidente/a, ou persoa en quen delegue, en representación do Consello da Cultura Galega.

Vogal: Presidente/a, ou persoa en quen delegue, en representación da Real Academia Galega

Vogal: Presidente/a, ou persoa en quen delegue, en representación da Asociación de Escritores/as en Lingua Galega (AELG).

Vogal: Presidente/a, ou persoa en quen delegue, en representación da Asociación Galega de Editoras.

Vogal: Presidente/a, ou persoa en quen delegue, en representación da Asociación de Actores e Actrices de Galicia.

Vogal: Presidente/a, ou persoa en quen delegue, en representación de Escena Galega, Asociación Galega de Empresas de Artes Escénicas.

Vogal: Alcalde/sa, ou persoa en quen delegue, do concello de Mondoñedo.

Secretario/a: Fran Bouso, designado pola asociación convocadora deste premio.

Mondoñedo, 5 de setembro de 2018